

堯山堂外紀卷六

晉陵蔣仲舒編

漢

世祖秀

字文叔生時有嘉禾一莖九穗之瑞故名王莽改貨曰貨泉人以其字為

白水真人帝竟徙南陽白水鄉起

王莽末漢兵起春陵戴侯曾孫玄在平林兵中號

更始將軍以世祖行大司馬事後更始委政於

趙萌所授官爵皆群小賈豎或有膳夫庖人長

安中為之語曰竈下養中。即將爛羊胃騎都尉
爛羊頭關內侯。由是關中離心。四海怨叛。時成
紀隗囂起兵。應漢更始。徵至長安。逃歸天水。囂
少病蹇。天水童謠曰。出吳門。望緹群。見一蹇人。
言欲上天。今天可上。地上安得民。後囂意稍廣。
欲為天子。遂被滅。吳門冀寧門名也。緹群山名。
更始時。南陽有童謠曰。諧不諧。在赤眉。得不得。在
河北。是時更始在長安。世祖為大司馬。平定河

北更始大臣竝僭專權。故謠妖作也。後更始還
為赤眉所殺。世祖自河北興

世祖建武六年。蜀中童謠曰。黃牛白腹。五銖當復。
是時公孫述僭號於蜀。時人竊言。王莽稱黃述。
欲繼之。故稱白五銖。漢家貨明。當復也。述遂誅
滅。

郭况 郭皇后弟也。世祖數幸其臨。賞賜金帛。豐盛莫比。京師號况家為金穴。

郭况累金數億。錯拾寶以飾臺榭。懸明珠於四垂。

晝視之如星夜望之如日里語曰洛陽多錢郭氏室夜日晝星富無匹。

陰長生

陰皇后親屬從馬明生學度世之道後于丰都山中白日昇天長生嘗裂

黃表寫丹經一通封以文石之函著嵩高山一通封以

白銀之函著蜀緘山今丰都山仙都觀西壁有天成四年人書長生古詩三章

陰真人鍊丹歌曰有物有物可大可久採乎蚕食之前用乎火化之後成湯自上而臨下夸父處中而見受氣應朝光功參夜漏白英聚而雪慙

黃酥凝而金醜轉制不已神趣鬼驟金歟玉歟

天年上壽無著於文訣文在口

馬援

字文淵初字客卿援幼而岐嶷兄甚奇之以為將相器故以客卿字焉明德皇后援女也建武中選入太子宮時年十三為貴人明帝即位立為后

建武間馬援拜伏波將軍征交趾緣海而進隨山

刊道千餘里十八年軍至始平之封新息侯後

武陵蠻寇臨沅援請行援門生袁寄生善吹笛

援作武溪溪行以和之曰滔滔武溪一何深鳥

飛不度獸不能臨嗟哉武溪兮多毒淫軍至壺
頭不利卒軍中

明德皇后美於色厚於德帝用嘉之嘗從觀畫遇
舜廟見娥皇女英帝指之戲后曰恨不得如此
者為妃又前見陶唐像后指堯曰嗟乎羣臣百
僚恨不得如此者為君帝顧而笑

馬后履行節儉事從簡約馬廖慮以美業難終上
疏長樂宮以勸成德政曰傳曰吳王好劍客百

姓多創瘢楚王好細腰宮中多餓死長安語曰
城中好高髻四方高一尺城中好廣眉四方且
半額城中好大袖四方全匹帛斯言如戲有切
事實后深納之

張堪

字君游少時志美行勵號曰聖童為光
祿大夫數諫堪乘白馬光武每有異政

輒曰白馬生且復諫矣在漁陽八年妻子
寒素如一日與同里朱暉善以妻子託堪
卒暉聞其妻子貧困
自往候視厚賑給之

建武中張堪為漁陽太守捕擊姦猾賞罰必信吏

堯山堂外紀卷六
民皆樂為用乃於狐奴開稻田八千餘頃勸民
耕種以致殷富百姓歌之曰桑無附枝麥穗兩
岐張君為政樂不可支

建武中朱暉再遷臨淮太守好節槩有所拔用皆
厲行士諸報怨以義犯率皆為求其理多得生
濟其不義之囚即時僵仆吏人畏愛為之歌曰
疆直自遂南陽朱季吏畏其威民懷其惠

樊曄

建武中樊曄為天水太守政嚴猛好申韓法善惡
立斷人有犯其禁者率不生出獄吏人及羌胡
畏之道不拾遺商旅委錢物于道旁曰以付樊
父後還其物如故涼州為之語曰遊子常苦貧
力子天所富寧見乳虎穴不入冀府寺大笑期
必死忿怒或見置嗟我樊府君安可再遭值

戴憑

建武中戴憑徵博士詔公卿大會群臣皆就席憑

獨立世祖問其意對曰博士說經皆不如臣而坐居臣上是以不得就席帝令與諸儒難說帝善之後正旦朝賀令群臣說經更相難詰義有不通輒奪其席以益通者憑遂重坐五十餘席京師語曰說不窮戴侍中

明帝莊

初名陽封東海王

永平中哀牢王柳貌遣子率種人內屬帝以其地置哀牢博南二縣割益州郡西部都尉所領六

縣合為永昌郡始通博南山度蘭倉水行者苦之作歌曰漢德廣開不賓度博南越蘭津度蘭倉為它人

帝既通博南益州刺史朱黼宣示漢德威懷遠夷

白狼王唐敢等慕化歸義作詩三章有捷為郡掾田恭譯其辭語黼令從事李陵與恭護送詣

闕遠夷樂德詩曰提官隗構大漢是治魏冒踰糟與天

合因譯劉脾吏譯平端旁莫支留不從徵衣隨旅聞風

向知唐桑艾所見邪毗縑綉多賜推潭僕遠美甘

酒拓拒蘇便昌樂局後仍離屈申倭讓龍洞蠻夷

貧莫支度由無所陽雒僧鱗願主莫穉角存孫子

熾遠夷慕德詩曰僕讓皮尼蠻夷且交陵悟入日

之繩動隨旅慕義跖且俛雒歸日聖德渡諾德聖

溪魏菌度洗與人綜邪流藩霜多作邪尋螺多夏

和藐潯瀘灘寒温菌補邪推多有人辟危歸險危涉

險莫受萬柳不遠術疊附德去俗仍路孳摸歸心

慈遠夷懷德詩曰荒服之儀荒服犁籍憐憐地土

境阻蘇邪犁食肉莫碣麤沫不見罔譯傳微吏

傳是漠夜拒大漠縱優路仁携負雷折險龍觸

險倫狼藏幢高山扶路側祿綠崖息洛服滫薄木

發理瀝髭雒百宿捕菹菌毗父子懷橐匹漏懷

帛傳言呼救傳告陵陽臣僕長願帝嘉之事下

史官錄其詩焉

周澤字穉都安丘人少習公羊嚴氏春秋隱居教授學徒數百人

周澤永平中為太常。恒齋。其妻怜其年老疲病。窺
內問之。澤大怒。以為干齋。掾吏叩頭爭之。不聽。
遂收送詔獄。并自劾。論者非其激發。諺曰。居世
不諧。叶為太常妻。一歲三百六十日。三百五十
九日齋。叶一日不齋。醉如泥。既作事。復低迷。

廉范 字叔度

建初中。廉范為蜀郡太守。成都民物阜盛。邑宇偏
側。舊制禁民夜作。以防火災。而更相隱蔽。燒者

日屬范。乃毀削前令。但嚴使儲水。百姓以為便。
乃歌之曰。廉叔度。來何暮。不禁火。民安作。昔無
襦。今五袴。

黃香 字文疆。江夏人。肅宗詔
詣東觀讀所未嘗見書。

黃香博學經典。究精道術。能文章。京師號曰天下
無雙。叶江夏黃童。

黃香有奴。號髯奴。常有辭責其鬚。曰。我觀人鬚長
而復黑。冉弱而調離離。若綠坡之竹。鬱鬱若春。

田之苗。因風披靡。隨風飄颻。爾乃附以豐頤。表以娥眉。發以素顏。呈以妍姿。約之以紺綫。潤之以芳脂。莘莘翼翼。靡靡綏綏。振之發。粲若玄珪之垂。於是搖鬚奮髭。則論說唐虞。鼓髻動鬣。則研覈否臧。內育瓌形。外闡宮商。相如以之。閑都顯孫。以之。堂堂。豈若子髯。既亂且赭。枯槁禿瘁。劬勞辛苦。汗垢流離。污澁泥土。儻嘯穰。與塵為侶。無素顏。可。依。無豐頤。可。怙。動。則。困。於。惣。

滅靜則窘於囚虜。薄命為髭。正著子頤。為此不能。疵其四體。為智不能。餉其形骸。癩鬚瘦面。常如死灰。曾不如犬羊之毛。尾狐狸之毫。鼈為子鬚者。不亦難乎。

梁鴻

字伯鸞。後易姓。運期名。曜字侯光。鴻少孤。尚節。嘗獨止。不與人同食。比舍先炊。

已呼鴻及。熱釜炊。鴻曰。童子鴻。不因人。熱者也。威竈更。然之。同郡孟氏。其女名光。狀貌醜。而黑力。能舉石。曰。擇而不嫁。至年三十。鴻聞聘之。光每具食。舉案齊眉。

梁鴻與妻子共入霸陵山中。以耕織為業。詠詩書。

彈琴自娛慕前世高士為四皓以來二十四人
作頌因東出關過京師作五噫歌曰陟彼北丘
兮噫顧瞻帝京兮噫宮闕崔嵬兮噫民之劬勞
兮噫遼遼未央兮噫肅宗聞而悲之求鴻不得
梁鴻久居齊魯之間有頃又去適吳將行作詩曰
逝舊邦兮遐征將遙集兮東南心惓惓兮傷悴
志菲菲兮升降欲乘策兮縱邁疾吾俗兮作讒
競舉枉兮措直咸先佞兮哢哢固靡慙兮獨建

冀異州兮尚賢聊逍遙兮遨嬉續仲尼兮周流
倘云覩兮我悅遂舍車兮即浮過季札兮延陵
求魯連兮海隅雖不察兮光貌幸神靈兮與休
惟季春兮華阜麥舍英兮方秀哀茂時兮逾邁
愍芳香兮日臭悼我心兮不獲長委結兮焉究
口囂囂兮余訕嗟恇恇兮誰留及抵吳依大家
臯伯通居廡下潛匿著書十餘篇卒伯通為求
葬地于要離冢傍曰要離節士伯鸞清高可令

之相近

初鴻友入京兆高恢少好老子隱于華陰山中及

鴻東遊思恢作詩曰鳥嚶嚶兮友之期念高子

兮僕懷思想念恢兮爰集茲二人遂不復相見

恢亦高抗終身不仕

鴻在吳依臯伯通高士傳高恢字伯通恐是臯高同

音而伯通同字也

桓麟

字元龍沛郡龍元人榮曾孫

桓麟年十二在伯父桓焉坐馬告客曰此吾弟子

有異材殊能作詩賦客乃作詩示麟曰甘羅十

二楊烏九齡昔有二子今則桓生麟即應聲答

曰邈矣甘羅超等絕倫伊彼楊烏命世稱賢嗟

予蠢弱殊才偉年仰慙二子俯愧過言

班固

字孟堅和帝時以竇憲賓客收捕死獄中所著漢書未就詔固女弟昭踵成之

昭適曹氏帝數召入宮令皇后諸貴人師事焉號曰大家

班孟堅白雉詩曰啟靈篇兮披瑞圖獲白雉兮效

素鳥嘉祥阜今集皇都發皓羽兮奮翹英容潔

朗兮於純精。彰皇德兮侔周成。永延長兮膺天慶。

曹大家鍼縷賦曰。鎔秋金之剛精。形微渺而直端。性通遠而漸進。博庶物而一貫。惟鍼縷之列迹。信廣博而無原。退逶迤以補過。似素絲之羔羊。何斗筭之足美。咸勒石而升堂。

張霸

字伯饒。數歲知孝讓。號張曾子。

永元中張霸為會稽太守時賊未解郡界不寧乃

移書開購明用信賞賊遂束手歸附不煩士卒之力童謡歌曰。弃我戟。捐我矛。盜賊盡。吏皆休。

吳資

字元約。太山人。

永建中吳資為巴郡太守屢獲豐年人歌之曰。吳資其辭曰。習習晨風動。澍雨潤禾苗。我后恤時務。我人以優饒。及資遷去人思資。又歌曰。吳資其辭曰。望遠忽不見。惆悵當徘徊。恩澤實難忘。悠悠心永懷。

張衡

字平子南陽人作二京賦十年乃成衡死日蔡邕母始懷孕二人才貌甚相類

人云邕是衡後身

陽嘉中張平子遷侍中宦官懼其毀已共讒之出為河間王相時天下漸弊鬱鬱不得志乃為四愁詩一思曰我所思兮在太山欲往從之梁父鄭側身東望涕霑翰美人贈我金錯刀何以報之英瓊瑤路遠莫致倚逍遙何為懷憂心煩勞二思曰我所思兮在桂林欲往從之湘水溪側

身南望涕霑襟美人贈我金琅玕何以報之雙玉盤路遠莫致倚惆悵何為懷憂心煩傷三思曰我所思兮在漢陽欲往從之隴阪長側身西望涕霑裳美人贈我貂襜褕何以報之明月珠路遠莫致倚踟躕何為懷憂心煩紆四思曰我所思兮在鴈門欲往從之雪雰雰側身北望涕霑巾美人贈我錦繡段何以報之青玉案路遠莫致倚增歎何為懷憂心煩惋

張衡定情歌曰大火流兮草虫鳴繁霜降兮草木
零。秋為期兮時已征。思美人兮愁屏營。
張衡同聲歌曰邂逅承際會。得克君後房。情好新
交接。恐慄若探湯。思為莞弱席。在下蔽匡牀。願
為羅衾幃。在上衛風霜。

堯山堂外紀卷六終

堯山堂外紀卷七

晉陵蔣仲舒編

漢

桓帝志

字曰意帝所厚者中官
所悅者女寵惟此兩途

帝初封蠡吾侯。質帝無嗣。太尉李固欲立清河王
蒜。大將軍梁冀貪樹疏幼。以為己功。乃白太后
策免固。迎立帝。是月固幽斃于獄。暴死道路。而
太尉胡廣封安樂鄉侯。司徒趙戒。厨亭侯。司空